



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fvldensivm Antiquitatvm Libri III.


Brouwer, Christoph

Antverpiæ, 1612

Reverend[issi]mo Et Illvstr[issi]mo Principi Ac Domino D. Iohanni Friderico
Primati Per Germaniam Galliamqve Principi Imperi[i] Imperatricis
Archicancellario Abbati Inclitæ Fvldensis Ecclesiæ Domino ...

urn:nbn:de:hbz:466:1-39712

REVEREND^{MO} ET ILLVSTR^{MO}
PRINCIPI AC DOMINO
D. IOHANNI
FRIDERICO
PRIMATI PER GERMANIAM
GALLIAMQVE
PRINCIPI IMPERI
IMPERATRICIS ARCHICANCELLARIO
ABBATI
INCLITÆ FULDENSIS ECCLESIAE
DOMINO AC PATRONO CLEM.
D. D.

VI interesse parum ad usum
prudentiæ aut virtutis existi-
mant, nosse, quid maiores
ante nos gesserint; quâ viâ ad virtu-
tis metam, quibus gradibus ad gloriam
ascenderint; ij dignitatis in commune

* 3 tuen-

Brouzeri
Antiquitate
Fuldenses.

STV
9

tuendæ , rerúmque gerundarum ratio-
nes velle nescire , aut vitæ cum laude de-
gendæ fructum contemnere & abijcere
mihi videntur . Quomodo enim , non
dicam reipublicæ partem vllam benè
capessat , sed priuatim vitæ cursum ali-
quem ille teneat , qui historiâ , id est , lu-
ce atque animâ prudentiæ destitutus,
neque quod sequatur ac imitetur habet,
neque quod caueat , satis prouidet ? Vr-
bes exterâsque gentes lustrasse , phaleras
in aliquam expeditionem sumsisse , pere-
grinas didicisse linguas , istuc hodie verò
pro nobili ac magnifico ducitur . At præ-
teritæ memoriæ , ac retroactæ ætatis per
tramitem virtutis , relegere vestigia , &
priscorum agnoscere fidem , imitari can-
dorem , probitatem , eccui magnopere
iam cordi , qui non à profano vulgo se
prorsus abstineat ? Ego certè de veteris
Ecclesiæ Fuldenis splendore , ac pietate
maio-

maiorum, nuper apud me seriò cogitans,
cùm tam multa ignorari à plurimis, aut
etiam obliuionis vñdis spontè dari cer-
nerem; audebo dicere, intimo quodam
animi sensu permotus sum: méque exin-
de recordatione præteriti temporis exci-
tare, & huius soli patriæque calore quo-
dam abdito accendere sustinui; si qua
fortè scintilla erumperet, & ignem hunc,
qui in parentum pectoribus implicatus
mirabiliter exarsit, propitio numine re-
fuscitaret. Ista quidem animo agitabam;
& aurem mihi vellebat non stolidi cogi-
tatio, vt id ab æquis sperare, apud iniquos
etiam conari auderem. Etsi non iis me
ceruicibus esse rebar, vt in hac perenni
religionis occupatione, imò in hac tem-
porum & iudiciorum iniquitate, æquè
omnibus laborem hunc approbare pos-
sem meum. Ergo vel secundarum par-
tium operam imponi mihi passus sum,

vt

Broueri
Antiquitates
Evidentes.

STV

9

vt qui historiam diffusam haud possem,
antiquitatum quædam condimenta hi-
storix permista darem. Quo quidem
munere, me duplici nomine de re Ful-
densi haud malè mereri confidebam:
tum, quia languentem & extinctum
propè multorum affectum in præstan-
tissima huius Ecclesiæ sidera suscitare vo-
lui; tum etiam ostendere, fructum ali-
quem ex hoc litterarum & doctrinarum
domicilio, quod hac memoriâ sapientis-
simè C. T. Maiores Patribus Societatis
IESV tradiderunt, in publicum redun-
dare posse. Et verò, cùm hominibus re-
ligioni nostræ parum æquis, scrinia om-
nia & penetralia Bibliothecæ prænobis-
sime, cum tantâ optimorum librorum ia-
cturâ, ceu fontes olim patuerint; inuide-
re nemo potest, vel hos veterum docu-
mentorum riuulos, ad nos bonorum
studio deriuatos. Sanè magnam, Illustris-
sime

sime Præsul, C. T. posterī gratiam habebunt, si ij erunt, qui esse debent, quando ea, quæ ad huius Ecclesiæ splendorem momentum afferunt certè maximum, quæque ad sacrorum iura & præteritæ totius ætatis descriptionem intelligendam faciunt quoque plurimùm, non chartis antiquis obsita descriptaque, non arrosis inuoluta membranis, sed publicis litterarum monumentis ad imitationem, & Fuldani nominis insignem commendationem, C. T. fauore ac patrocinio exposita videbunt. Id quod immortalī gloriâ Princeps Balthasar C. T. antecessor, & in votis sæpè habuit, & paulò ante discessum suum, vehementiùs etiam expetisse visus est; cùm ipse memoriam vitæ suæ complecti litteris cœpit, & acta decessorum suorum compendio annotata, eam in rem nobis benignè communicauit. Sciebat enim prudens

**

dens

Broueri
Antiquitate
Fuldenses.

STV

9

dens Antistes, & gubernandi præceptis
abundè instructus, omnis melioris do-
ctrinæ & disciplinæ fructum à maiorum
exemplis vtiliter hauriri: quæque ipsi scri-
ptis monumentis vel hucusq; propagas-
sent, vel vitæ præclaris actionibus expref-
sissent, tot in medio casibus rerum huma-
narum, vix posse aliter, quàm litterarum
præsidio conseruari. Et verò huius Ordini,
id est, Benedictinæ familiæ, quis nescit
laudem hanc esse propriam, vt ambiat
meritis & rectè factorum gloriâ, quàm
latè patet, orbem Christianū. Etenim, vt
palmas taceam & adoreas in reliquo Oc-
cidente partas, certè innumeras abstulit
ex hac Germaniâ nostrâ magnâ; cuius, in-
feræ, superæ, regionibus, tot retrò sæculis,
hæc vnica ferè dedit scientiæ veræq; pie-
tatis doctores, duces, magistros: vnica, in-
quam, Boreæ populis, citimis, extimis, in
magnâ errorum nocte, prætulit veri ho-
nesti-

nestique facem. Scilicet hac virtutis ar-
duâ viâ , & non mortali doctrinarum
curriculo, communem mortalium men-
suram supergressa, pondera tot cathedra-
rum ingentia, suorum humeris , velut
Atlas cælum sustulit ; excelsóque loco in
repub. Christianâ constituta, non popu-
lis dumtaxat & urbibus, sed Principibus
terrarum dominis, benè beatéq; viuendi
leges & præcepta dedit. Quare, vt in hoc
virtutis & sapientiæ regno , septingentis
ampliùs annis, principatum S. Benedicti
posteritas, alibi gentium, obtinuit : ita &
hïc Fuldæ, florem & germen quoddam
ornatissimorum Ascetarum extulit ; qui
multiplici ingeniorum culturâ , & lucu-
brationum instrumento, tamquam sacrâ
panopliâ quadam abundantes, & Eccle-
siæ auctoritatem fecêre, & virtuti tantum
attulere pretium , vt vtrimque, profligatis
erroribus & vitiis , nescias , maio-

** 2 rem

Brouzeri
Antiquitate
Fuldenses.

STV
9

rem ex defensione fructum, quàm ex
victoriâ gloriam consecuti sint. Quod
igitur Celsitudini vestræ, & Congrega-
tioni vniuersæ gratum & faustum sit,
tollit hoc & educi, quidquid est partitionis,
in vestro amplissimo nomine placuit,
pignus futurum huius Societatis I E S V
Collegij, perpetuæ erga Ecclesiam istam
benè de se meritam obseruantia. Ita
voueo, & vnà mecum adprecantur,
quotquot de Societate nostrâ hîc pro
Ecclesiæ Fuldenfis gloriâ, pro iuuentutis
vtilitate, & Reip. vestræ communique
omnium salute vigilant. Fuldæ, in Col-
legio Soc. I E S V, anno Christi M. DC. XII.
mense Martio; cuius XXII. dies est
C. T. indepti principatus anniuersaria.

Reuerend^{ma} & Illustr^{ma} C. V.

cliens & seruus humillimus

Christophorus Brouerus.

LECTO-